



Broj: 01-01.1-199-19/2020.
Sarajevo, 29.04.2020.

Vijeće Ministara BiH

Koordinacijsko tijelo BiH za zaštitu i spašavanje

n/r gosp. Zoran Tegeltija, Predsjedavajući Vijeća ministara
n/r gosp. Fahrudin Radončić, Ministar sigurnosti
n/r gđa. Bisera Turković, Ministrica vanjskih poslova
n/r gosp. Staša Košarac, Ministar vanjske trgovine i ekonomskih odnosa

PREDMET: Inicijativa za odobrenje ulaska stranim i našim državljanima bez zadržavanja u karantinu u slučaju specifičnih poslovnih potreba

Poštovani,

Budući da smo Vam se već obraćali sa inicijativom da se odobri ulazak specijalističke grupe radnika iz Republike Hrvatske zbog završetka remonta u firmi Natron Hayat, te činjenici da smo u međuvremenu došli do saznanja za sličnim potrebama i u drugim našim kompanijama koje ne mogu biti realizovane jer su na snazi opće mjere zabrane ulaska ljudi u BiH bez prethodnog zadržavanja u dugotrajnijem karantinu, ovim dopisom želimo da takve specifične situacije objedinimo jednom inicijativom.

U slučaju posebnih poslovno-tehničkih razloga koji zahtijevaju fizičko prisustvo ljudi prilikom realizacije specijalističkih poslovnih procesa smatramo da je neophodno odobravati ulazak stranaca kao i državljana BiH bez zadržavanja u karantinu. To su slučajevi montiranja i puštanja u rad tehnološke opreme i sistema kod ugradnje novih tehnologija, montaže specijalne opreme sa specifičnim zahtjevima garancije, uhodavanja tehnoloških procesa, itd. Pri čemu je neophodno fizičko prisustvo ljudi bez mogućnosti online platformi ili sličnih vidova komunikacije.

Iz tih i sličnih razloga, u ime naših kompanija podnosimo,

INICIJATIVU

da se, **ODOBRI ULAZAK STRANACA ILI LJUDI SA DRŽAVLJANSTVOM BiH** u funkciji realizacije poslovnih procesa koji su kompanijama od izuzetnog značaja, koji podrazumijevaju fizičko prisustvo i čije bi odlaganje izazivalo značajne negativne finansijske posljedice uzrokovane čekanjem do normalizacije postojećeg stanja.



Pri tome bi kompanije uputile zahtjev sa slijedećim sadržajem:

- Ime i prezima lica koje se poziva u poslovnu posjetu,
- Specifikaciju potrebe (montaža opreme, kalibracija, prenos znanja i sl.)
- Planirano vrijeme ostanka pozvanih lica;
- Mjesto boravka pozvanih lica;
- Adresa na kojoj će se realizirati pomenuta aktivnost;

Osim toga, u vezi sa zdravstvenim stanjem pozvanih bitno je da daju izjave:

- Da li su bolovali Covid 19?
- Da li su testirani na Covid 19 i ako jesu da sa sobom imaju rezultate testiranja?
- Da li imaju simptome koji se mogu povezati sa bolesti Covid 19?

Uz posjedovanje predložene dokumentacije takve osobe bi na graničnom prijelazu mogle biti tretirane na način da se ne zadržavaju u karantinu, nego bi se odobrio prolazak do mjesta realizacija poslovnih aktivnosti zbog kojih je uslijedila posjeta uz poštivanje svih važećih preporuka u vezi sa sprječavanjem širenja bolesti Covid 19, te u skladu sa predhodno pripremljenim planom provođenja sigurnosnih mjera tokom poslovnih aktivnosti kao i internog transporta na relaciji od mjesta specijalističke poslovne aktivnosti do mjesta privremenog smještaja i natrag.

Ubjeđeni smo da su naše kompanije domaćini ovakvim osobama u potpunosti spremne za provođenje navedenih mjera koje bi obezbjedile sigurnost i svog i gostujućeg osoblja.

Uvažavanjem ove inicijative i regulisanjem predloženih procedura omogućava se održivo poslovanje, očuvanje radnih mjesta, te ublažavanje gubitaka i posljedica koje sve kompanije u velikoj mjeri već osjete.

S poštovanjem,

PREDSJEDNIK

Mirsad Jašarspahić, dipl.ing.maš



Dostavljeno:

1. Naslovu,
2. a/a